

Jemal Le Grand honra como “ALL-STAR” landado

CERCA AZB a drenta e grato noticia, cu nos atleta Jemal Le Grand, cu ta atende scol y train na Merca , a wordo selecta door di e dos corantnan mas grandi di e parti sur di Florida, esta Sun-Sentinel y Miami Herald, como un di e landadonan mas miho di e temporada competitivo di High School. Di Augustus 2012 pa November 2012, Jemal a representa su scol Sagemont, di Weston, Florida cu bon resultado. Scolnan ta organisa den districto, region, y tamaño. landadonan por landa solamente dos evento individual y por landa den 2 estafette. Jemal a competi den su miho eventonan, esta 100 y 200 vrijeslag. Durante e prome 2 luna scolnan ta landa contra di otro den “dual meets”, un of dos biaha pa siman. E temporada di High School ta culmina cu un Campeonato di Districto, despues Campeonato di Region y por ultimo tin e Campeonato di estado di Florida. Jemal a logra sali Campeon di Districto y di Region den 100 y 200 vrijeslag . Den 4 x 50 vrijeslag y 4 x 100 vrijeslag estafette e ekipo di Sagemont School a gana 2 biaha Oro na Campeonato di Districto y 1 Oro y 1 plata na e Campeonato Regional. Durante e Campeonato di estado di Florida Jemal a landa su miho temponan den ambos 100 y 200 vrijeslag, terminando ambos evento cu un bunita medaya di Plata. Su ekipo di estafette a logra obtene un tercer puesto den 4 x 100.

E corantnan ariba menciona ta selecta e miho atleta den cada evento y tur deporte, y ta honra nan como un All Star. Lo tin un ceremonia tambe na unda e atleta di año pa High School di Broward County lo wordo anuncia.

Como cu Jemal ta den su ultimo año di High School, e logronan aki a haci cu varios di e college

y universidadnan di Merca ta interesa pa Jemal scoge nan scol pa sigui studia y competi pa na nivel di NCAA.

